

AKRONIM

Pengenalan Akronim

Akronim tergolong dalam kata tunggal.

Akronim ialah kata singkatan yang terbentuk daripada gabungan huruf awal suku kata atau gabungan huruf awal suku kata dengan suku kata daripada satu rangkai kata. Hasil gabungan ini, akronim terbentuk, ditulis serta dilafazkan sebagai perkataan yang utuh.

Akronim ada empat jenis:

1. Akronim yang terbentuk daripada cantuman huruf awal perkataan. Jikalau akronim yang terbentuk ialah kata nama khas, akronim itu dieja dengan huruf besar kesemuanya.

Awas – **a**nda **w**aspada **a**nda **s**elamat

JUSA – Jawatan Utama Sektor Awam

ILIM – Institut Latihan Islam Malaysia

2. Akronim yang terbentuk daripada cantuman huruf dan suku kata perkataan. Jikalau akronim yang terbentuk itu kata nama khas, huruf pertama ditulis dengan huruf besar.

Intan – **I**nstitut **T**adbiran **A**wam **N**egara

Proton – **P**erusahaan **O**tomobil **N**asional

Aswara - Akademi **S**eni **B**udaya dan **W**arisan **K**e**a**ngsaan

cikgu - **e**ncik **g**uru

3. Akronim yang terbentuk daripada cantuman suku kata awal perkataan. Jikalau akronim yang terbentuk itu kata nama khas, huruf pertama ditulis dengan huruf besar.

Bernama – **B**erita **N**asional **M**alaysia

pawagam – **p**anggung **w**ayang **g**ambar

Perkeso – **P**ertubuhan **K**eselamatan **S**osial

tadika – **t**aman **d**idikan **k**anak-kanak

Mara – **M**ajlis **A**manah **R**akyat

komsas – **k**omponen **s**astera

berdikari – **b**erdiri **d**i atas **k**aki **s**endiri

cerpen – **c**erita **p**endek

4. Akronim cantuman bahagian awal perkataan pertama dengan bahagian lain perkataan yang mengikutinya. Jikalau akronim yang terbentuk itu kata nama khas, huruf pertama ditulis dengan huruf besar.

halaju – **h**ad **l**aju

jalurah – **j**alan **l**urah

hartanah- **h**arta **t**anah

jenama – **j**enis **n**ama

selembu – **s**eladang **l**embu